

ANTHROPOLOGY (STUDY OF MAN)

Paominlen Kipgen (PK), M.Th

INTRODUCTION

MIHEM KISEM

1. BIBLICAL VIEW (Bible/Genesis dungjuija thilsem leh mihem kistem)

Gen1:1 ahin abana chengse ahin Pathen thu dihtah, Pathen'in ahaikhum ahi itah sannui. Genesis hi aphot laija anahing ahilouvanga Mosen Pathen haikhumna chang puma ajih ahi ti itahsan nun, atah ahidan Chu NT Sung jeng seh ajong 60 veival akila sonin; Gen 1&2 dungjuija mihem kistem hi atah ahidan chu Jesun jong Mtt 19:4-6 na' a aseisone.

Genesis 1:27 dungjuija mihen chungchang imu masat pennu chu: mihem hi leiset chung thildang khat, leivui jakon Pathen'in asem ahi tihi ahi. Hijehchun mihem hi thilsem dang banga leiset toh kigui jopna nai, anung ama chungchanga thaneina ima neilou, asempan alung cham tah'a asem ahi. Ahin thilsem danghoto akikhehna chu Pathen limle mela akistem hi ahi.

Achung chonna mihem hi thilsem dang jouse chungthanei na kipe ahin (Gen. 1:28-30) Pathen'in imanchah dingu iphat choma diuva thilsem dang jouse hi eipeh'u ahi. Alam louva phalou tah'a manding angai ahapon, Pathen gotna kichang thei ahi.

Genesis dungjuija Pathen'in itobanga mihem ahin sema, Pasal 1e nunei asem ham ti imu uvin, ajeh nejja – akivop ding le kiloi khom dinga asem ahi.

2. EVOLUTION THEORY

Evolution theory hi himaithei jinte tia kihilna mai mai hilouvin atah tah ahi monge tia kihilna kimang ahin, adehsetna science lama lunglutna nei atamjo tobang tahsanu chu ahitai. Ahin aching athem atamjon tahsan jongleu Christian ten amaho chu ijuu dingu ahipoi. Mitamjon atahsan mana adih louchu adih hithei dehlou ahi. Bible hi atah ahin evolution hi jou ahi.

Evolution tihin thilkhat dinmun nemcha'a kon hung khangtou (developed) va dinmun sang hung soh atina ahi. Hiche jeng jong hi lunggel nia hopkhen ahi.

A. **Secular/Atheistic evolution:** Mihem hi chance (agomkom, phat kilemchang) vanga kon hung kigong tohto'a hungsoh doh ahi ti tahsanho ahiuvin, amahon ijakaihi asem umlou, ama le ama hungsoh doh ahi atiuve. Hiche hi Charles Darwin lekhabu "Origin of species" (publish in 24th Nov. 1859) akon kilason ahi. Evolution theory dungjuija masang laipeh kum million ijat ham masangchun thilkhat hi apoh jalin/kehin vanna ahshi, nisa, leiset jaona planetho hi hung umdoh, kun million, billion lutna hung kikhel (change) khela leiset jonghi hung umdoh ahi. Chule mihem le ganhingho hung umdoh chungchanga, atilla chu Amoeba/cell (ahingthei neocha kikhel lele thei) hung umdoh'a, kum tamtah lutna leiset umdol/chena lhongpi/sat le dap toh kitoh (natural selection) dungjuija hiche cell/amoeba holah'a achungnung penho chu hung sohcha/hing galkai uva (survival of the fittest), hicheho chu hung kikhel (change) khelouva, khonunga ganhing, ju le va, twi lah'a hing nga le adangdang, gancha lenho,

alentah ho hung sohдох uva, hitia chu mihem jong hungsoh doh ahi ati.

B. Theistic evolution: Teilhard de chardin (1881-1955) French idealist, philosopher and Jesuit priest chun Atheistic evolution hi Christian ho tahsan toh akil l'heh jeng phatna Christian tahsan toh jopmat ahi theina dinga: thilkhat chu ol olla acham chama hung kikhel hilou, Pathen'in akikhel sah ahi tia asehi ahi. Ahin Hiche chung jenga jong lungel jatni aume: khatna'a Pathen'in thil ho chu (cell/amoeba) chu akoija ol ola hung kikhel dinga adalah ahi; chule nina'a Pathen ama tah'in aboncha akikhelsah ahi. Achung chona theistic evolution tahsan hohin Pathen'in Adam ahu ahaikhuma chu leiset chungah hi Adam sehseh mihem anahipon, mihem tamtah – evolution dungjuija ana umdohtasaho lah'a chu Adam chu atun beh'a ahu ahaikhuma; hijeh'a chu Adam bouhi Bible a kimin phah'a ahi atiuve.

3. CREATION THEORY

Amahohi thil jouse hi Pathen sem ahi ti'a tahsan, ahi'a iti asem ham ti khol ho ahiuve.

A. Progressive Creationism: Amahon Pathen'in Gen. 1 na'a athilsem kisei hohi niseh'a asem hilou, nikho kisei hohi nikhat hilou, ni sagi hi seven geological ages (Kum sagi, khang sagi, kum sang sagi) ahijoi atiuvin, 2 Pet. 3:8 hi pansat nan aneijui.

ii. **Gap theory:** Gen 1:1-3 kikhah hi kum tampi um ahi ti tahsang ho ahiuve. Science in leiset hi kum million tamtah ahitai atin, Bible dungjuijin kum 6000 bep hidingin akimun, hiche hi ani'a dih mo ahipoi. Gen 1:2-3 kikhah'a kum tampi ana mahthah jeh ahi. Gen 1:1 na'a thilsem hi kum million ijat hamkhat masanga pa kiseina ahin, Gen. 1:2 na ahi ipi jehham khatna leiset hi sedeh'a, Gen. 1:3 na'a kisei khu kithah sem kit kiseina ahi. Hiche hi Ezk. 28:12-15; Isai. 14:9-14 na'a Satan kidel lha jeh'a satan'in abona asuhset hidinga tahsan ahi. Hijeh'a chu Gen. 3:1-7 na'a Satan leisetna ana umsa ahitai. Hiche hi pre-dispensational period jong akiti.

BUNG – 1 MIHEM PATHEN LIM LE MEL PU

1. Lim le mel hin atahsa lim put aseina hilou ahi. Ajeh chu Pathen chu lhagao ahin, lhagaovin mihem bang banga phe le vou chule tibah aneipoi.

2. Hiche teni hin thilsem dang ho chungah athaneina aseina ahi.

3. Bible'a kon kimu dungjujui ja hetna, chonphatna le thenna aneijui hi aseina ahi (Eph. 4:23,24).

4. Alim le mel hilou Pathen to kidonbut theina, kihou theina, kiguijop theina aneipa hi kiseina ahi. Ajeh chu ikibah pi mihem tobou kikihoulim thei ahibanga mihem jonghi Pathen toh kihoulim theina anei ahi.

5. Chihna ineijui, lunggel thei le thil lhen theina anei na pao hi Pathen toh ikibahnao ahi.

6. Roman Catholic hon lim le mel (image & likeness) hi achom khennun: lim (image) hi hetna/chihna ahin, hiche hi chonsetna lhah'a chu kisel mang (amang pai pai hilou) ahin, mel (likeness) vanghi Adam chonsetna chun asuhset ahitan, Baptism ichan teng hichu hungkile kit ahi atiuve.

7. John Calvin le Karl Barth tahsan dungjujin Pathen lim iput nauchu abona kisuse ahitai. Mihem hi Pathen banga chihna, phatna, kipah le ngailut na nei ja kisem ahin, chonset jeh'a hiche lim le mel chu manga ahitai ti atahsan lhone.

8. Emil Brunner in chonset jeh'a Pathen lim le mel iputnao chu apum pi hilouva akeh khat mang joh ahi anati. Ahin hiche chu Pathen thilpeh Christa jala thahchan kit ihuive.

9. Thilsem dangin aneilou hina aneijeh ahi

a. Personality

i. Chihna/hetna (intellect)

ii. Lunggel (emotion)

iii. Lhenkhen theina/gellhah theina (will)

iv. Natoh theina (action)

b. Spirituality: Lhagao nei ahijeh (Rom.5:15-16). Pathen to kigui jop theina aneijeh.

c. Morality: lunggella sele pha hetna nei, aphabol nomna lungthim nei - akibol ji louvanga – ahijeh.

d. Sociality: Jalhang hinkho, kiloikhomna, kipol khomna aneinom na jeh. Pathen jeng jong kiloi khom, kipun khom ngailu ahin, akiloi khom pi dinga mihem asem ahi.

BUNG – 2

MIHEM IN ANEI HINA

(CONSTITUENT/COMPONENT/ELEMENT OF MAN)

Mihem hi muthei/khoikhah thei (material) leh mutheilou/khoikhah theilou nei khoma hing ahi.

1. **Tahsa (muthei khoikhahthei)**: Hiche tahsahi leivuija kisema chomlouva leivui mama'a kile kitding ahi. Tahbeh in jong leiset hin mihemin anei element 96 aneije akiti (eg. Calcium, carbon, oxygen, hydrogen, chlorine, iron, iodine...)

a. Asetic view: Tahsa hin manlutna aneipoi. Ajeh chu thijoule mang ding ahitai. Hijeh'a chu tahsahi hinlai sunga Lhagao hinkho haldoh/khantouna dinga suhgim ding ahi atiuve. Hiche tahsan hi Greek Philosopher ho "tahsa hi lhagao songkul ahi"/"Tahsa hi chonset ahi/matter is evil" tia kon kila doh ahi. Hijeh'a chu tahsa hin lhagao asuh genthei jala tahsa hi suhgim ding ahi. Hichea kona Monastery movement hung kipandoh ahi.

b. Hedonist view (Hedonism): Ascetism to kikal hel ahi. Tahsa hi inop sahna diuva kipe ahin, nop nop bol ding ahi. Hijeh chun ne'un, donnun, nopsatah'in umun; jingle nathi maithei ahitai tiho ahi. Achung chonna amahon lhagao ahilou leh thinung hinkho atahsan pouvin, muthei tahsa bouhi atahsanun ahi.

c. Biblical view: Tahsa hi lhagao to kimat/kiguijop (partner) ahin, tahsa beija lhagao sehseh lhing joulou ahin, kikhen theilou ahi. Ajehchu tahsa hi Christa chenna in le lhagao chenna in ahi. Tahsa hi

athu man val ding jong hilou, noise bolding/bolгим ding jong hilou ahi. Pathen dei banga hindang ahi. Tahsa hi lhagaovin thilpha atohdohna'a manchah ahin, ithi nung tengu leh apha, ase, hinna, thina, vangam, damun ichanna diuva natong doh chu tahsa hi ahi.

2. Mutheilou/khoikhah theilou (immaterial part)

A. Bipartite/Dichotomy: Amaho tahsan dungjujin mihemhi thil ni (2 element) bou nei ahin hichu Tahsa leh hinna/lhagao bou ahi atiuve. Amaho tahsan dungjujin Lhagao (spirit) leh hinna (soul) hi thil ni hilouva akibang, natoh jat chomchom nei ahi. Mihem le mihem kikh'a kiguijopna le kihet tona ahiteng hinna (Psyche/soul) kimanga, Pathen toh kiguijopna ahiteng lhagao (Pneuma/Spirit) kimang ahi; hiche mihem lhagaova hi Pathen lhagao vin na atoh ahi

Bible'a jong hinna le lhagao hi akimang hal lele ji'e. Tekahnan: Gen. 41:8 cf Ps. 42:6; Mtt. 20:28 cf 27:50; Jn. 12:27 cf Jn. 13:21; Heb. 12:23 cf Rev. 6:9; 1 Cor 5:3; 3 Jn 2; Mtt. 16:28; Mk. 8:36ff.

B. Tripartite/trichotomy:

i. Lhagao (Spirit): Lhagao hin mihem chu Pathen ahetsah'a Pathen toh kiguijopna lampia pang ahi. Pathen'in Adam nah sunga ahu ahaikhuma chu lhagao (hu/hui) ahailut ahi. Hijeh'a chu mihem hi 'leivui Pathen'in ahaikhuma hing kiti ahi.' Pathen chu lhagao ahin, mihem Pathen abahna dehset chu hiche lhagao jal hi ahi (Jn. 4:24). Hiche lhagao hi isochat nao photchetna jong ahi (Rom. 8:16). Eccl. 12:17 na'a tahsa hi leivui ja kilekit ding Lhagao Pathen henga chengding ahi ati (cf. Eccl. 3:31).

ii. Hinna (Soul): Hinna hi eile ei kihet chetna, tahsa le lhagao kah'a pang, ahi'a amani chu hidehlou, khat pen pen to khatvei vei le kibanga hung kisei ji chu ahi. Hinna hi tahsa le lhagao jopmat ahi. Hinna hin tahsa hi lhagao noi'ja thumang tah'a akoi ding hi anatoh ahi. Hiche hinna huhhingna dinga hi Jesu Cross'a hungthi ahi (Heb. 10:39; James.1:21; Ps.49:8; Luke. 16:23; Rev. 18:12-13). Mihemin nopsahna ahol jonghi hiche hinna ding hi ahi.

BUNG – 3

MIHEM SUNGA LHAGAO/HINNA HUNGKON DOH

1. **Pre-existentialism:** Mihem hinna hi Pathen'in semtila anasema ana umsa peh ahitai. Mihem khat chu ahung pen teng Pathen'in hinna/lhagao ho chu ahoppeh ji ahi.

2. **Creationism:** Mihem khat anu sunga ahung kijil channa chu Pathen'in jong hinna khat anasemji ahin, mihema ahung pen pen leh hiche lhagao tohchun ajop matji ahi. Lhagao/hinna hi achama chonse ahapon ahin tahsa chonse toh akitimat teng seji ahi akiti. Hiche hi Heb. 12:9; Num. 16:22; Isai.42:6; Zac.12:1 dungjujin ja hilchet na ahi.

3. **Traducianism:** Mihem lhagao/hinna hi anule apa akon ahung kijil akon anei, Anu le apa'a kon anei son ahi.

Bible dungjujin jong Levi chun ahinna chu anu le apa'a kona aneison ahi akiti (Heb.7:10). Pathen chun atoh ding jouse atohchai toh lhonin nisagi nin acholnga tai kiti ahin (cf. Gen. 2:1-3); natoh thah, hinna sem tiho hi aboltapoi akiti.

Psychological lamma seidingin jong mihem hi tahsa leh hinna/lhagao neikhon ahijingin, hijeh chun mihem ahung kijila chu tahsa leh lhagao thakhatna hungkijil khom dinga tahsan ahi.

Theological lampanga seidin, Pathen'in asem jouse hi chamkima (perfect) asem ahin, lhagao/hinna hi chonse'a asem louhel ding ahi. Hichu ahileh inule ipa akon kinei son ahi.

BUNG – 4

PASAL LE NUMEI – Christian te dinmun.

Numei hi Pathen lim le mel banga kistem ham? Gen. 1:26-27 na'in "Pathen'in mihempa chu ama lim bang bangin aseme... pasal le numei anin aseme..." akiti. Hiche lai munna mihem pa hin mijouse aseina ahin, Pasal le numei kipum khatna aseina ahi. Hijeh chun numei jong hi Pasal banga Pathen lim le mel pu'a kistem ahi. Ajuhchu lim le mel chun Pathen to ikiguijopnao pa aseina joh ahi ti itahsanui.

Pathen'in mihem asem chun numei beijin pasal chu ana chamkim poi. Hijeh'a chu Gen. 2:18 na'a Pasal chu achanga aum aphapoi anati ahi. Hijehchun Pathen'in aasal pa pang/sih (side) nakon khel khela anahgu alah doh'a numei chu asem ahin, hichun numei le pasal hi alang langa ding khom, dinmun kibang (partner) ahi avetsah'e.

1. Trinity limma kistem ahi: Mihem chu Pathen lima kistem ahileh Pathen thum-khat (trinity) lima kistem ahin, ngailutna nejja kigui jop lima kistem ahi. Pathen chu ngailut ahi'a chuleh athuma chu ngailutna'a kigui jop ahibanga, numei le pasal chu Pathen lima ngailutna chun akan khoma, hi'a chu kigui jopma, amani chu tipumkhat hi lhona ahi

2. Eima chang kikhosah tijat aumdan: Mihem dinga eima changseh bou kikhosah chu Pathen le mihem mitmu'a thet umtah ahi. Lhagao sochatna dinga vang eima le eima kikhoh sah ding ahinai. Mihemin eima changseh ding gellouna dinga nupa hinkho hi Pathen'in asem doh ahin, amading sanga midang joh gel ding, angailut ding hi Pathen dei ahi. Tulai nupa tampi ama angsung sehseh kive aumtah jeh'un akikhen atamui. Christian Nupa chu kingailu'a kikholto ding ahi (Rom. 12:10; Phil. 2:3).

3. Ngailut: Ngailut hi Greek paova bible dungjujin tamtah'a hilchet thei ahin, hiho chu: Philia – loile gol kingailut; Eros – kitimat lam panga kingailut; Agape – Pathen mingailut, eisanga midang ngailut leh khosah. Nupa hinkho hi Eros ngailutna mai mai hilouding (hichu nop sahna dinga eiki pe jo ahin) Agape ngailut hi ngaikhoh ahi. Agape ngailutna chung chonna Eros ngailutna hi ajaoteng insunga nupa hinkho chu chamkima nom ahi. Hijeh'a chu nupa chu Ama sanga khatjoh akhosah leova angailut (agape) goh hilouva, kitimatna lamma kingailutna jong bulhinga neiding (eros) achung chonna Pasal dinga aji chu agolpha pen hiding, aji dinga apasal chu agolpha pen (philia) hi ngai ahi. Hicheng jouse hin avetsah chu: Imajouse agelkhom honding, kipah khomhon ding, lunghemna'a lunghem khom honding; ima jouse'a tipum khat ahilhon to lhona apan khom hon ngai ahi.

4. Ji lou to jong: Mk. 10:7 a Jesun Gen. 1:24 alah sona'a kitimat na'a chu Pasal le numei chu tipum khat hihon ahi ati. Paul'in aseibe na'a noti to lumkhom chu noti to tipum khat hihon ahi ati (1 Cor. 6:15). Pathen dei chu kitimatna hinkho hi mini kah lah'a hinkho lhum kejja neiding ahi.

5. Insung: Bible hin insung hinkho chungchang tampi akimui. Insung hi 'Unit khat' ahin, Nupa kingailut jala chate kipah le bitna amunao ahi.

6. Jinei louva um: Mitam tah adeh'a Roman Catholic lah'a jinei louva uma Pathen natoh hi jinei ja Pathen natoh sanga sangjo'a tahsan ahi. Hijeh'ahin nungah leh gollhang Monks le Nuns (Father/brother/sister) tampi jong um ahi. Kitim jou puma jinei louva Pathen natoh chu machalna ahi tin Paul'in anaseije. Ahin kitim lel puma uma Pathen natoh sanga Jineija Pathen natoh chu lolhina ahin, Pathen lungdei jong ahi. Jesu chu jinei lou ahi. Paul jong himaithei ahi (1 Cor.7:7) Peter chu jinei ahin, chubanga chu seijui dangho jong atamjo jinei ahidiu tahsan aume. Chuleh Solchah lekhabu'a jinei nupa Priscilla le Aquila jong akimui. Pathen'in pasal le numei chu nupa hiding le chikhai dinga asem ahin, jinei hi Pathen lunggel le tohgon suh bulhitna khat ahi.

BUNG – 5

MIHEM CHONSETNA ALHAH

1. Mihem chonsetna alhah chungah hin theory jat jat aumin themkhat hochu:

- A. Liberal position:** Bible thusim jouse hi Hebrew te khang thusim maimai ahin midang chungah effect (midang jaotha) theilou ding ahi.
- B. Pelagian Position:** Peligan hi kumjabih 5 laija British Monk khat ahin, aman athuhil na'a "Adam chonsetna hin amabou asuh khah ahi. Ajeh chu Pathen'in mihem khatnin chonset abolchu ama chungah bou gotna apeji'e" tin anahilin ahi. Hiche thuhil hi Council of Carthage AD. 418 na themmo chan ahitai.
- C. Augustine position:** Church father holah'a aminthang loitah ahi. Aman Mihem jouse hi Adam'a kon kikhai lhacheh ihi jeh'un, Adam chonset na jouse chu mihem achilhah te jouse changson ahi ati. Hiche thuhil hi Bible toh kitoh ahi (cf. Rom. 5:13; 18-19; 1 Cor. 15:22).

2. Mihem chonset na lhahsah:

Gen. 3:1 dungjui jin Satan hin gulla na atonge. Gen. 3:1 na'a "ama (he)" kiti'a kimang khun Satan aseina ahin, Gul aseina hileh "hichun (it)" atiding ahi. Ama ti'a akiman hin gulchu satan vop (tulai thilhavop itiu tobang) ahi.

3. Satan nin lungthim thuhtah'a mi alhepdan:

A. Satan chu alim le amelin akilah pon, gul melhoitah'in akilange. Josephus in thilsem lah'a gul bouchu mihem banga paotheina tha ananei ahi anati. Hiche hi adih ahileh Eve chun gul maimai chun thu aseini anahisah hiding ahi.

B. Satan chun Adam le Eve chu atum tuma aumpet lhonna na atoh ahi. Kipun khom na'a hin thahat aumtei jin, kibung khenhi thalhomna ahi.

C. Satan chun alhasam jo, belkehbai Eve johchu theiphung koma ana umpetna alhep ahi.

D. Satan'in Eve alhepna chu gilkel/duchat na leh hetna/chihna ngaichatna amangcha'e.

E. Satan'in Pathen thusei tahsan lel na agah neisah'in, "Pathen'in aseimong mong ham?" tin adongin numeinu chu alung sa'ih sah'e.

F. Satan'in theiga chun se le pha hetna apah ding ahi atin, ahin thilpha bolthei na thahat aneichu amansah ding ahi ti aseipeh poi.

4. Pathen'in Adam le Eve patepna dinga anatoh:

Gen. 2:16,17 na'a "Pakai Pathen'in mihempa chu thu apen aseiyee, "Nangman honsunga thing ga jouse nanop nop'a naneh thei cheh ahin, amavang selepha hetna thing ga khu naneh louhel ding ahi; ijeh inem itile hiche khu naneh nni leh nathi teitei ding ahi," ati.

5. Chonsetna'a lhana ajeh ho:

A. Eve chu theiga kom ganai behseh ahi. Lhepna'a lhahna theiho'a kon agamlhat ngai ahi. Akhoh leh amanu chu theiphung panga chu dinga theiga chu ahoidan chu avetna akijahda chu nehpatap ding lung anagel himai thei ahi.

B. Amanu chu satan to ahihou lime. Bible mangcha'a ikihoulim pi ahingal louleh Satan hi kihoulima kinel pilou helding ahi (eg. Jesu)

C. Pathen thusei chu abelapme. Pathen'in aseilou 'theiga chu lojong nalollah lhon louding ahi' atin aseijin,

D. Gen 3:6 na'a kimudung juijin, "Theiga avet chun neidingin aphalheh jengin, vetnom nom aumtan, athingga chun mi achih sah jengding jeh chun aga chu akilo lhah'in anetai" ati. Nehding'a aphot tohlleh'a, vetdia ahoi jeh leh chihna ding toh akibah mana Satan lheplah'a umlou di ahi.

6. Chonset na tahbeh:

Gen. 3:6 dungjuija numei nun theiga aneh jou jouchun apasal jong apen ahileh apasalin jong anetai akiti. Hijeh'a apetpetna thil lung chu:

A. Chonset ahion/asoh lhon tan, alhagao hinkho honchu thi'a ahitai (Eph.2:1).

B. Amit lhon ahah doh'in sagoh keu ahilhon akihetdoh lhontai.

C. Asagoh keulhon khuna dingin theichangna akikhui bit lhonin akikhu lhone.

D. Pathen'a konchun agakisel manglhon tai. Chonset hin Pathen toh kikhena asoi.

7. Pathena konna gaosapna (Gen. 3:14-19)

A. **Gul chungga gaosapna:** Gancha jouse lah leh tollhanga gamsa jouse lah'a gaosap chang ahin, a'opma kithol la leivui ahinkho lhumkeija aneh ding ahitai.

B. **Numeinu kigaosapna:** Naovop teng naosonat gentheija cha ahin ding, ajipa lhangaiya umding; aman achunga vai ahomding ahi

C. **Pasalpa kigaosapna:** Ama jeh'a leiset chung hi gaosap hi'a, theimi ling le meithai seltholing hungpeng doh ding, ahinkho lhumkeija gentheiding, ahinna dinga ulsa longa na atoh ding; athiteng akisem na leisetna kile kitding.

8. Chonset jeh'a thillhung ho:

A. Mihem jouse Pathen mit mu'a chonset ihi sohkei taove (Rom. 3:9,10,23; 5:12).

B. Leiset pumpi hi themo channa, lunghanna le gaosap chang ahitai (Rom. 3:19; Gal. 3:10; Eph. 2:3).

C. Mipengthah louho chu Pathen cha hilouva Satan cha joh kiti ahitai (Jn. 8:44; Jn. 1:12).

D. Mihem jouse hi Satan khutna sohchang ahitai (2 Cor. 4:4).

E. Mihem apumpi; atahsa, alungthim, ahinna, alhagao abonna chonset hin asuhkhah ahi.

- a. Ihetnao hi athimtai (Eph. 4:18; 1 Cor. 2:14).
- b. Lungthim hi gitlouna le phatlou na adiptai (Jer. 17:9,10).
- c. Lunggel leh selapha hetna hi suhset ahitai (Gen. 6:5; Titus.1:15).
- d. Tahsa leh lhagao hi suhset ahitai (2 Cor. 7:5).
- e. Lungthim hin phatna abol got vangin akijoutapoi (Rom 7:18)
- f. Pathen hina hi iphajou mong mong tapouve (Rom. 7:18).

9. Chonsetna lhah jeh'a Adam le Eve chung thillhung (Gen 3:1-24)

A. Jachatna (Gen. 3:7).

B. Kichatna (3:8-10).

C. Kilungto louna (3:12,13).

D. Thina (Tahsa. 5:5; Lhagao Mtt. 7:23; 25:4).

E. Gentheina (3:16).

F. Natoh genthei (3:16-17).

G. Naoso nat (3:16).

H. Eden na kon nodoh (3:22-24).

BUNG – 6

TU PETNA MIHEM DINMUN

1. The Fallacies

a. Mihem hi leiset ahin kihuh hing thei louding ahi. Hiche tahsan dungjui hi mihem, papah leh mol kikhehna hi akisem dan mai mai leh asunga thil um jeh ahi.

b. Mihem hi Pathen tobang ahi, hijeh achu huhhing ngai lou ahi. Hijeh'a chu Christian natong khat hina jalchun itoh diuva lha chu mivaicha, mangthai, kithopi ngaicha, jukham le adang dang ho henga icheuva Pathen lim le mel la kistem ihu iga hetsah'uva, Pathen tobang cheh ihuive ti ihetsah diu hi ahi. Chutileh amaho chu mei'am neocha banga anavah mai mai ahiuvin, hoitah'a akihet chetnuva Pathen'in adei banguva galjou hinkho amanthei diu ahi.

2. Thutah (fact)

a. Tahsalam/leiset mihem/Adam mi (natural man). KJV'a natural man akitin, Greek paova '*psuchekos*' ahin, hichu leiset mihem tia ledinga kilomtah chu tahsa mi tin akilen ahi. Hiche hi huhhingna chang loulai jouse chu tahsa mi/leiset mihem ti'a aseina ahi. (1 Cor. 2:14) eg. Cain.

b. Lhagao mi (Spiritual man): Hiche hi Greek paova '*pneumatikos*' akitin, hiche hi lhagao nei, lhagao puina changa ahilouleh lhagaova pengthah, aseina ahi (1 Cor. 2:15). eg. Abraham.

c. Tahsami (carnal man - 1 Cor. 3:1-3; Heb. 5:12-14). Tahsa mi sappaova carnal man kiti hi Greek'a '*sarkinos*' akitin; hiche hi kinelna leh boina jong ahi.

i. Akhatna'a kimkhat tahsan dungjujin amahohi apenthah jeng vanga tahsa thilho'a kitim joulou, tahsa ngaichat kijosah nalai miho ahi atiuve. eg. Lot.

ii. Kimkhatnin amaho hi apengthah lou, apengthah kihisah, Lhagaomi chon danna chonho ahi'a lhagaomi ahilou jeh'uva amihinao tahsalam ngaichat na'a lhaloiji ho ahiuive atiuve.

d. Bongnoi nelai: Hiche hohi lhagaova chapang, bongnoi nenalai tobang, huhhing nadih tah changa ahi'a tahsan na'a dingdet jou nailou, puihoi leh kaihoi ngai ahiuive.

BUNG - 7 MIHEM LHUNNADING

1. Mihem lhunading/makho chungchanga thuhil dihlo:

A. Nirvana: Hindu philosopher ho tahsan. Mihem hi athi thile kichai ahitai. Hoilai hamkhatna ahinkho hinpe pan akilah mangkit ji ahitan, mangji ahitai. Hiche hi Mtt. 7:3f; 1 Cor. 15:12-20; 15:42-47 dungju jin adihpoi.

B. Restorationism: Hiche thuhil dungju hin mihemin Pathen anga second chance aneikit ding ahi. Origen (2nd century church father) hi anapom masa loi khat ahi. Aman Satan jengjong ahungkile kitna tahsana ahin neikit maithei ahi ati (Acts. 3:20,21; 1 Cor. 15:22; Eph. 1:9&10, 1 Tim. 2:3-4). Ahin hijong hi Prov. 29:1; Jn. 3:3, 16-18; Lk.16:17-31 dungjujin adihpon, mihem dingin athi nungle huhhinga umna ding chance aumtaponi.

C. Meterialism: Hiche hi atheist (Pathen aumpoi tiho) ho tahsan ahi, mihem chu athithi leh imacha hitalouva manga ahitan, khonung khoma ding aumpoi.

D. Annihilationism: Jehovah witness leh adang tamtah ho thuhil ahi. Amahon mipengthah lou jouse chu Pathen'in nikhat leh asuhmang, asuhbei ding ahitai. Hiche tahsan ho Ps. 37:9; Ps. 145:20 ho pansat nan aneijun, ahin Mtt. 25:46 na in adihlou aphochene.

E. Purgatory: Roman Catholic ho tahsan ahi. Hiche dungjujin Pathen tahsana houbung'a lungmonga thi'a ahi'a chamkim lou hochun gimbolna'a kisuh thengna khat ahopa diu ahi. Ahin hiche hi chonsetna neo neiho ding ahin, Chonset lentah neija thiho chu tonsot meidila tonsotna themmo chang diu ahi. Hiche tahsan dungju jin Purgatory'a aumna diu hi leiset chung a um houbung holeh ainsung miten Pathen henga athilpeh'u leh anatoh dungju juva kingam ahi. Thilpeh ahapeh'uva Pathen henga aha taovu ahile purgatory'a kon vangam kaidiu ahi ti atahsanui. Ahin hiche hi Heb. 9:11-14; 24-28; 10:12-16; Lk. 16)

F. Limbo: Roman Catholic ho tahsan dang khat ahi. Chapang Baptized changloulai jouse leh mingol jouse hi athi tenguleh tonsot kipana mun dang khat (vangam hilou) va ache jiuve. Hiche hi Mtt.18:1-10 dungju jin adihpoi.

G. Re-incarnation: India sunga tahsan pen pen khat, mihem khat chu athi teng alhagao chu midang sunga avel pen kitji ahi. Tu hinkho'a athilbol apha leh ase jouse chu apen kit teng aga akilo ding ahi. Hijeh chun tu'a hinkho hi manlhom louhel ahi, imasang ahunglung kitding ihinkho'a dinga kitong ahi atiuve.

2. Pathen thu jakha lou leh chapang ho lhunna ding mun:

A. Hand Restrictivist: Koi hijongle Pathen thu jakha lou hihen, chapang hijongleh Jesu Christa ahuhhingpu'a kisan lou jouse chu huhhing changlou ding ahi. Hiche hi Solchah bung 4 a pansa aseiju ahi.

B. Pessimistic Agnostic: Pathen'in bou ahei. Ahin chapang le huhhingna thu jakhalou ho chu huhhinga umtei junte tia Rom.1:20ff na'a pansa'a tahsan ho.

C. Optimistic Agnostic: Kipana thupha jakhalou leh chapang ho chu huhhinga umtei ding ahi tia tahsan.

D. Inclusivism: Leiset chung a sakho jouse'a mipha jouse chu vangam lhung ding ahi. Hiche thuhil dungjujin kipana thupha jakhalou holeh chapang jouse hi Pathen leh Damun akilhen na diuva chance kipe ding ahi atiuve.

3. Bible dungjuja mihemte lhunna ding

Huhhingna neilou mihem athi jouse achungthu tan ding ngah'a thikholkhul la umding ahi (Rev. 20:11-15). Hiche munna umho hi thokitna nunungpen, kumsang lenggam jouteng hungthoudoh diu ahi (Rev. 20:5)

Ahin Christa tahsan na athisa ho chu Acts. 7:55,59,60; Phil 1:21,23; 1 Cor. 5:8 dungjuja Pakai toh tuhin vangama aum khomui.